

MALAYSIA

DEWAN RAKYAT

ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI SELASA, 17 NOVEMBER 2015, PUKUL 10.00 PAGI

Bil. 51

PERTANYAAN-PERTANYAAN BAGI JAWAB LISAN

1. PR-1333-L69864
Datuk Seri Panglima Haji Abdul Ghapur bin Haji Salleh [Kalabakan] minta **MENTERI TENAGA, TEKNOLOGI HIJAU DAN AIR** menyatakan :-
 - (a) apakah Kementerian maklum bahawa gangguan bekalan elektrik masih berlaku dengan kerap di Sabah terutama sekali di Pantai Timur sehingga menyusahkan rakyat dan peniaga-peniaga; dan
 - (b) apakah tindakan Kementerian untuk menyelesaikan masalah gangguan dan bilakah ia akan selesai.
2. PR-1333-L69763
Tuan Charles Anthony Santiago [Klang] minta **MENTERI SUMBER MANUSIA** menyatakan pelan kerajaan untuk menubuhkan skim sosial bagi menjaga kebajikan pemandu-pemandu teksi di Malaysia. Sudahkah kajian impak GST dijalankan ke atas golongan ini.
3. PR-1333-L69732
Tan Sri Dato Sri William Mawan Ikom [Saratok] minta **MENTERI PENDIDIKAN** menyatakan jumlah pembinaan sekolah rendah dan menengah yang akan dilaksanakan di seluruh negara dalam masa terdekat ini.
4. PR-1333-L69656
Dr. Che Rosli bin Che Mat [Hulu Langat] minta **MENTERI SUMBER ASLI DAN ALAM SEKITAR** menyatakan usaha-usaha terkini yang diambil oleh Kementerian dalam mengawal hidupan liar yang semakin pupus ekoran penerokaan tanah yang berleluasa untuk pembangunan.
5. PR-1333-L69883
Datuk Dr. Makin @ Marcus Mojigoh [Putatan] minta **PERDANA MENTERI** menyatakan :-
 - (a) tindakan yang telah diambil oleh pihak Kementerian bagi mengatasi masalah keselamatan negeri Sabah terutama sekali masalah jenayah rentas sempadan; dan

- (b) tindakan yang diambil bagi mengembalikan kepercayaan rakyat ke atas isu ini.
6. PR-1333-L70285
Dato' Fauzi bin Abdul Rahman [Indera Mahkota] minta **PERDANA MENTERI** menyatakan apakah Kerajaan bersedia mengkaji semula semua projek penswastan dengan mengekalkan yang benar-benar memenuhi matlamat asal penswastan iaitu untuk menjimatkan kos dan menzahirkan perkhidmatan yang lebih efisien serta membatalkan yang rugi dan membebaskan Kerajaan dan rakyat.
7. PR-1333-L71121
Datuk Zahidi bin Zainul Abidin [Padang Besar] minta **PERDANA MENTERI** menyatakan keberkesanan program-program terkini yang dilaksanakan bagi mengeratkan lagi perpaduan dan integrasi nasional rakyat Malaysia. Apakah program-program terbaharu akan dilaksanakan dalam masa terdekat.
8. PR-1333-L70489
Tuan Mohamed Hanipa bin Maidin [Sepang] minta **MENTERI PENDIDIKAN** menyatakan :-
- (a) mengapakah Kementerian masih enggan membina sebuah sekolah menengah di Kota Warisan, Sepang dalam keadaan Kota Warisan telah menjadi satu "*township*" dan sehingga kini para pelajar di situ terpaksa ditempatkan di Sekolah Menengah Bandar Baru Salak Tinggi yang telah mengalami kesesakan dan limpahan pelajar; dan
- (b) berapakah jumlah sekolah menengah baru yang akan dibina di Sepang dalam masa 5 tahun ini.
9. PR-1333-L70194
Dato' Henry Sum Agong [Lawas] minta **MENTERI KESIHATAN** menyatakan bilakah pelaksanaan Fasa 2 bangunan Hospital Daerah Lawas yang baru akan bermula.
10. PR-1333-L70583
Tuan Abdullah Sani bin Abdul Hamid [Kuala Langat] minta **MENTERI SUMBER MANUSIA** menyatakan adakah Kerajaan akan mengkaji KPI pengerusi Mahkamah Perusahaan untuk mencapai tahap keyakinan yang membanggakan.
11. PR-1333-L71559
Tuan Haji Mohd Fasih bin Haji Mohd Fakeh [Sabak Bernam] minta **PERDANA MENTERI** menyatakan sejauh manakah Pondok Moden Al-A'Baqirah yang telah ditubuhkan oleh Majlis Agama Islam Wilayah Persekutuan mampu melahirkan ulama' Rabbani yang pakar dalam bidang agama dan kehidupan serta nyatakan sambutan umum terhadap pondok moden ini.

12. PR-1333-L69929
Puan Alice Lau Kiong Yieng [Lanang] minta **MENTERI PENDIDIKAN** menyatakan sama ada buku teks Sejarah di peringkat sekolah rendah dan sekolah menengah akan dikaji semula supaya penulisan sejarah dalam buku teks sejarah sekurang-kurangnya satu pertiga adalah sejarah Sabah dan satu pertiga adalah sejarah Sarawak memandangkan Sabah dan Sarawak merupakan "*Equal Partners*" dengan Semenanjung Malaysia.
13. PR-1333-L70584
Dato' Ahmad Fauzi bin Zahari [Setiawangsa] minta **PERDANA MENTERI** menyatakan berapakah nilai gaji yang dikelaskan oleh pihak Kementerian sebagai miskin bandar dan berapakah jumlah penduduk di Kuala Lumpur yang berpendapatan di bawah garis kemiskinan bandar ini.
14. PR-1333-L71330
Tuan Zairil Khir Johari [Bukit Bendera] minta **MENTERI PENDIDIKAN TINGGI** menyatakan jumlah tertunggak pinjaman PTPTN serta menjelaskan bagaimana Kementerian bercadang untuk menuntut kembali pinjaman tertunggak tersebut.
15. PR-1333-L70800
Datuk Aaron Ago anak Dagang [Kanowit] minta **PERDANA MENTERI** menyatakan jurang pendapatan/kekayaan bagi isirumah luar bandar dan bandar di Sarawak, Sabah dan Semenanjung Malaysia. Apakah langkah-langkah Kerajaan bagi mengatasi masalah ini.
16. PR-1333-L71173
Tuan Hee Loy Sian [Petaling Jaya Selatan] minta **PERDANA MENTERI** menyatakan munasabahnya menaikkan harga gas NGV sebanyak 37 sen daripada 68 sen seliter ke RM1.05 seliter sehingga menaikkan kos operasi operator teksi dan menjejaskan pendapatan perusahaan teksi.
17. PR-1333-L69703
Datuk Dr. Ewon Ebin [Ranau] minta **PERDANA MENTERI** menyatakan apakah usaha-usaha yang diambil oleh pihak Kerajaan dalam menyemaiakan semangat perpaduan, kerjasama, kerharmonian serta kesejahteraan antara kaum di negara ini susulan dengan insiden baju kuning pada 31 Ogos 2015 dan baju merah pada 16 September 2015 yang lalu.
18. PR-1333-L71447
Dr. Hajah Siti Mariah binti Mahmud [Kota Raja] minta **MENTERI SUMBER MANUSIA** menyatakan jumlah pekerja asing yang berdaftar di semua sektor industri yang mengambil pekerja asing. Apakah jumlah yang diunjurkan oleh Kementerian untuk memenuhi keperluan pekerja asing 5 (lima tahun) mendatang dan apakah usaha Kerajaan untuk menggalakkan majikan mengambil pekerja tempatan dan apakah pula program Kementerian untuk menggalakkan rakyat menyertai pekerjaan di sektor yang dikuasai oleh pekerja asing.

19. PR-1333-L71310
Dato' Noraini binti Ahmad [Parit Sulong] minta **MENTERI KEWANGAN** menyatakan sejauh manakah penyusutan nilai ringgit kebelakangan ini (penyusutan sebanyak 25% berbanding dolar Amerika sejak 12 bulan lalu), kejatuhan harga minyak dunia dan kelembapan ekonomi China memberi kesan kepada pendapatan dan ekonomi negara.
20. PR-1333-L70090
Dato' Mansor bin Othman [Nibong Tebal] minta **PERDANA MENTERI** menyatakan status kemajuan pelaksanaan Skim Pembangunan Usahawan Masyarakat India (SPUMI) semenjak ia diperkenalkan pada tahun 2014 dan diperuntukkan sejumlah RM50juta di bawah kelolaan TEKUN.
21. PR-1333-L69688
Datuk Hajah Norah binti Abd Rahman [Tanjung Manis] minta **MENTERI PERDAGANGAN ANTARABANGSA DAN INDUSTRI** menyatakan adakah terdapat peningkatan pelaburan langsung asing (*foreign direct investment/FDI*) dari Amerika Syarikat berikutan penurunan nilai ringgit berbanding dolar pada tahun 2015 (sehingga September) berbanding tahun 2014.
22. PR-1333-L69989
Dato' Seri Dr. Wan Azizah binti Wan Ismail [Permatang Pauh] minta **MENTERI BELIA DAN SUKAN** menyatakan sejauh mana kajian Kementerian berkaitan kemerosotan mutu bola sepak negara. Nyatakan jumlah sumbangan Kerajaan kepada FAM dan sejauh mana pemantauan terhadap penggunaan dana tersebut berikutan dakwaan Ultras Malaya bahawa berlaku penyelewengan dana tersebut oleh FAM.
23. PR-1333-L69546
Dato' Haji Irmohizam bin Haji Ibrahim [Kuala Selangor] minta **PERDANA MENTERI** menyatakan :-
- (a) sejauh manakah Kerajaan meneliti cadangan untuk meletakkan SPRM di bawah Parlimen supaya ia dapat membersihkan persepsi negatif mengenai integriti badan berkenaan; dan
 - (b) adakah perkataan 'bebas' akan dimasukkan dalam nama suruhanjaya berkenaan menjadikan namanya, Suruhanjaya Bebas Pencegahan Rasuah Malaysia.
24. PR-1333-L70997
Tuan Shamsul Iskandar bin Mohd Akin [Bukit Katil] minta **PERDANA MENTERI** menyatakan jumlah unit rumah yang tergolong sebagai projek Perbadanan PR1MA Malaysia (PR1MA) yang telah siap dibina di setiap negeri semenjak PR1MA diperkenalkan.
25. PR-1333-L70037
Datuk Abd Rahim bin Bakri [Kudat] minta **MENTERI KEMAJUAN LUAR BANDAR DAN WILAYAH** menyatakan projek-projek jalan luar bandar dan berapakah peruntukan yang tersedia dalam Rancangan Malaysia Ke-11 ini bagi jalan luar bandar kawasan Parlimen Kudat.

26. PR-1333-L71539

Puan Hajah Fuziah binti Salleh [Kuantan] minta **MENTERI KEWANGAN** menyatakan :-

- (a) berapa banyakkah Syarikat/Agensi Pemungut Hutang yang berdaftar dengan Kementerian; dan
- (b) di bawah peruntukkan undang-undang manakah Agensi Pemungut Hutang ditubuhkan.

27. PR-1333-L71067

Datuk Ikmal Hisham bin Abdul Aziz [Tanah Merah] minta **MENTERI DALAM NEGERI** menyatakan apakah rasional di sebalik langkah menaikkan taraf Unit Pencegahan Penyeludupan (UPP) kepada sebuah jabatan dengan nama Agensi Keselamatan Sempadan, adakah Agensi ini akan menjadi *sole agency* yang bertanggungjawab untuk melakukan penguatkuasaan undang-undang yang sebelum ini dilakukan oleh pelbagai agensi lain di sempadan.

28. PR-1333-L69838

Tuan Lim Guan Eng [Bagan] minta **MENTERI PERTAHANAN** menyatakan tentang status Lapangan Terbang TUDM di Butterworth seluas 1,000 ekar yang diumumkan akan dipindahkan ke tapak baru di mana pangkalan tentera yang baru akan dibina demi menjalankan projek pembangunan di tapak asal yang bernilai RM20 bilion.

29. PR-1333-L70797

Puan Rubiah binti Haji Wang [Kota Samarahan] minta **MENTERI DALAM NEGERI** menyatakan apakah langkah drastik Kerajaan menangani isu judi siber (*cyber*) dan sejauh mana keberkesanan langkah yang telah diambil.

30. PR-1333-L71410

Dato' Seri Abdul Hadi bin Awang [Marang] minta **MENTERI DALAM NEGERI** menyatakan apakah langkah masa depan Kerajaan untuk meletakkan Malaysia di Tahap 2 (Tier 2) dalam Laporan Tahunan Jabatan Negara Amerika Syarikat Pemerdagangan Orang (U.S. Tip Report) bagi tahun 2016.

31. PR-1333-L71289

Datuk Wira Haji Ahmad bin Hamzah [Jasin] minta **MENTERI KEWANGAN** menyatakan :-

- (a) jumlah aliran keluar dan masuk wang daripada pasaran saham, bond, sukuk dan lain-lain pasaran kewangan kita bagi tempoh 2014 dan 9 bulan pertama tahun ini berbanding Indonesia, Singapura dan Thailand bagi tempoh yang sama; dan
- (b) impaknya ke atas ekonomi kita dan usaha-usaha untuk menanganinya.

32. PR-1333-L71186
Tuan Haji Ahmad Lai bin Bujang [Sibuti] minta **MENTERI MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan apakah langkah serius yang diambil oleh pihak Kementerian mengenai projek loji rawatan bernilai RM24 juta yang masih tidak berfungsi seperti yang diperlukan dan apakah tindakan kepada kontraktor yang gagal menyiapkan projek tersebut dengan sempurna sehingga menjejaskan kehidupan penduduk setempat.
33. PR-1333-L71222
Dato' Hasbullah bin Osman [Gerik] minta **MENTERI PELANCONGAN DAN KEBUDAYAAN** menyatakan rentetan daripada peristiwa kemalangan pesawat MAS yang terhempas dan ditembak jatuh, imej negara seakan tercalar di mata dunia. Apakah strategi Kementerian untuk memulihkan imej tersebut dan menarik lebih ramai pelancong melawat negara.
34. PR-1333-L70467
Tuan Ng Wei Aik [Tanjong] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan rasionalnya Permit Iklan dan Lesen Pemaju (APDL) tidak dapat diluluskan bagi banyak projek pemajuan perumahan bertingkat di negeri Pulau Pinang. Senaraikan projek-projek yang belum diluluskan APDL dan sebab-sebab bagi setiap projek tersebut.
35. PR-1333-L71533
Tuan Sim Tong Him [Kota Melaka] minta **MENTERI DALAM NEGERI** menyatakan tentang tindakan diambil terhadap peserta-peserta " Himpunan Baju Merah " yang membangkitkan isu " Hapuskan SJKC " :-
- (a) setakat ini, adakah pihak polis sudah kenal pasti orang-orang yang terlibat; dan
 - (b) adakah Kementerian sedar bahawa tindakan perlu diambil dengan kadar segera untuk mengelakkan isu yang paling sensitif ini berulang.
36. PR-1333-L71086
Tuan Teo Kok Seong [Rasah] minta **MENTERI KESIHATAN** menyatakan :-
- (a) bagaimanakah Kementerian membantu pesakit yang menghadapi penyakit pneumokokal; dan
 - (b) berapakah peruntukan yang diperuntukkan untuk vaksin pneumokokal.
37. PR-1333-L69894
Dr. Azman bin Ismail [Kuala Kedah] minta **MENTERI DALAM NEGERI** menyatakan alasan menolak permit kepada perhimpunan Bersih 4.0 sebaliknya memberikan permit kepada Perhimpunan Baju Merah pada 16 September 2015.

38. PR-1333-L71496
Tuan Fong Kui Lun [Bukit Bintang] minta **MENTERI KEWANGAN** menyatakan apakah kedudukan rayuan Jemaah Surau An Nur di atas bekas tapak Penjara Pudu supaya dikekalkan kerana ia memberi kemudahan beribadat untuk kira-kira 2,000 ke 3,000 orang Islam di situ berikutan cadangan UDA untuk merobohkannya.
39. PR-1333-L71277
Tuan Mohamed Azmin bin Ali [Gombak] minta **PERDANA MENTERI** menyatakan apakah kriteria-kriteria yang ditetapkan oleh Agensi Penguatkuasaan Maritim Malaysia (APMM) dalam penganugerahan kontrak pembelian 6 buah kapal peronda yang bernilai RM381 juta.
40. PR-1333-L71056
Puan Teo Nie Ching [Kulai] minta **PERDANA MENTERI** menyatakan sama ada Kerajaan setuju untuk meminda Perlembagaan Persekutuan berkaitan pelantikan Ketua Pesuruhjaya SPRM dan penubuhan Suruhanjaya Perkhidmatan Pencegahan Rasuah (SPPR) bagi memantapkan keberkesanan SPRM dalam melaksanakan tanggungjawabnya.
41. PR-1333-L70058
Tuan Wong Ling Bui [Sarikei] minta **MENTERI KEWANGAN** menyatakan apakah impak kepada ekonomi negara memandangkan nilai ringgit menurun dengan begitu serius. Apakah tindakan kerajaan pusat untuk membaik pulihkan kedudukan nilai ringgit.
42. PR-1333-L71213
Dato' Kamarul Baharin bin Abbas [Telok Kemang] minta **PERDANA MENTERI** menyatakan :-
- (a) senarai institusi-institusi kewangan yang telah bersetuju menawarkan pakej pinjaman perumahan PR1MA dengan kemudahan pinjaman sehingga 110%; dan
 - (b) peratusan pemohon yang gagal mendapat pinjaman rumah PRIMA yang berharga antara RM250,000 hingga RM400,000.
43. PR-1333-L70338
Tuan Wong Chen [Kelana Jaya] minta **MENTERI PERTAHANAN** menyatakan perbelanjaan untuk tentera laut negara. Adakah perbelanjaan ini satu respons terhadap kehadiran pulau-pulau baru negara China di Laut China Selatan.
44. PR-1333-L70608
Tuan Liew Chin Tong [Kluang] minta **MENTERI PERTAHANAN** menyatakan kekerapan pesawat Amerika P-8 atau P-3C singgah di Malaysia dalam operasi pemantauan Spratly Islands, dan bentuk kerjasama pemantauan tentera antara Malaysia dan Amerika dalam menangani pembinaan tiga landasan pesawat terbang besar-besaran oleh China di Spratly.

45. PR-1333-L70558
Datuk Bung Moktar bin Radin [Kinabatangan] minta **MENTERI KEWANGAN** menyatakan berapakah rizab negara yang terkini dan apakah kedudukan kewangan semasa negara.
46. PR-1333-L69851
Dato' Othman bin Aziz [Jerlun] minta **MENTERI SUMBER MANUSIA** menyatakan berdasarkan Indeks Pekerjaan di Malaysia suku kedua 2015, pengambilan pekerja di Malaysia telah meningkat berbanding suku pertama, sejauh manakah ianya telah mempengaruhi kadar pengangguran golongan belia di negara ini dan nyatakan transformasi sektor perkhidmatan berdasarkan laporan ini.
47. PR-1333-L71270
Datuk Wee Jeck Seng [Tanjong Piai] minta **MENTERI SUMBER ASLI DAN ALAM SEKITAR** menyatakan apakah usaha yang dilaksanakan untuk mengatasi masalah banjir kilat di kawasan kampung baru dan mengkaji semula sistem amaran banjir kilat yang ditempatkan di kampung baru yang sering dilanda banjir.
48. PR-1333-L69533
Datuk Jumat bin Idris [Sepanggar] minta **MENTERI SUMBER ASLI DAN ALAM SEKITAR** menyatakan :-
- (a) apakah rakyat Malaysia terdedah dengan penyakit-penyakit merbahaya akibat jerebu yang sering melanda; dan
 - (b) apakah cadangan Kementerian dalam menangani jerebu ini pada masa hadapan.
49. PR-1333-L70804
Tuan Gobind Singh Deo [Puchong] minta **MENTERI PENGANGKUTAN** menyatakan apakah status siasatan berkenaan kes pesawat MH17.
50. PR-1333-L70965
Tuan Ramkarpal Singh a/l Karpal Singh [Bukit Gelugor] minta **MENTERI DALAM NEGERI** menyatakan langkah-langkah terkini yang telah pun diambil untuk mengekstradisi Kpl. Sirul Azhar Umar dari Australia memandangkan pendirian Menteri Dalam Negeri dalam bulan Mac, 2015 bahawa rundingan proses ekstradisi tersebut dengan Kerajaan Australia akan dimulakan.
51. PR-1333-L69944
Dato' Shamsul Anuar bin Haji Nasarah [Lenggong] minta **MENTERI DALAM NEGERI** menyatakan lesan perlaksanaan POCA dan POTA kepada negara ini dan apakah Kementerian menambah baik akta ini atau bersedia meminda akta lain agar keselamatan dan keharmonian negara terus kekal.
52. PR-1333-L71344
Dr. Mohd Hatta bin Md. Ramli [Kuala Krai] minta **MENTERI SUMBER ASLI DAN ALAM SEKITAR** menyatakan setakat manakah program 'Sungai Untuk Kehidupan' dilaksanakan di sungai-sungai di negeri Kelantan.

53. PR-1333-L71593

Puan Nurul Izzah binti Anwar [Lembah Pantai] minta **PERDANA MENTERI** menyatakan berapakah kadar kemiskinan negara jika dikira mengguna pakai:-

- (a) ukuran kemiskinan relatif dengan nilai ambang 60% daripada median pendapatan isi rumah; dan
- (b) indeks kemiskinan multi dimensi.

54. PR-1333-L70206

Dato' Ngeh Koo Ham [Beruas] minta **PERDANA MENTERI** menyatakan kaitan kedudukan Perdana Menteri dengan punca wang sebanyak RM2.6 bilion yang dimasukkan ke dalam akaun peribadinya dan apakah sudah berlaku kepada wang tersebut.

55. PR-1333-L70202

Datuk Joseph Salang anak Gandum [Julau] minta **MENTERI PERUSAHAAN PERLADANGAN DAN KOMODITI** menyatakan langkah-langkah menstabilkan harga-harga komoditi seperti getah, minyak sawit, lada dan koko.

56. PR-1333-L70262

Tuan M. Kulasegaran [Ipoh Barat] minta **PERDANA MENTERI** menyatakan:-

- (a) sejauh manakah seriusnya Kerajaan memandang dan memberi keutamaan terhadap pengesahan Mahkamah Jenayah Antarabangsa Rom (Rome Statute of the International Criminal Court) dan Perjanjian Perdagangan Senjata (Arms Trade Treaty); dan
- (b) bagaimanakah Kerajaan akan melaksanakan pengisytiharan yang telah dipersetujui oleh Ahli-ahli Parlimen Malaysia dan dari serantau dunia dalam Forum anjuran Parlimen Malaysia oleh Parliamenterian For Global Action (PGA) yang telah diadakan pada 30 Julai 2015 di Kuala Lumpur

57. PR-1333-L70179

Dato' Dr. Nik Mazlan bin Nik Mohamad [Pasir Puteh] minta **MENTERI PERTANIAN DAN INDUSTRI ASAS TANI** menyatakan berapa banyakkah pengeluaran padi negeri Kelantan untuk 5 tahun yang lepas. Berapa kerugian yang dialami oleh petani disebabkan banjir pada hujung tahun 2014. Berapa banyak ganti-rugi yang Kerajaan telah bayar kepada petani-petani.

ATURAN URUSAN MESYUARAT DAN USUL-USUL

1. **Pertimbangan ke atas Rang Undang-undang Perbekalan 2016 (D.R. 31/2015) dan Usul Anggaran Perbelanjaan Pembangunan 2016 seperti berikut :-**

“Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan iaitu suatu jumlah wang sebanyak tidak lebih dari lima puluh dua bilion ringgit (RM52,000,000,000) dibelanjakan daripada Kumpulan Wang Pembangunan bagi tahun 2016, dan bagi tujuan dan butiran perbelanjaan pembangunan yang dinyatakan di bawah Maksud Pembangunan atau (“P”) dalam senarai Anggaran Perbelanjaan Persekutuan 2016, yang dibentangkan sebagai Kertas Perintah 42 Tahun 2015, adalah diuntukkan di bawah Maksud-maksud yang berkenaan jumlah-jumlah yang bersestentangan dengan butiran-butiran itu di ruangan enam dan tujuh senarai tersebut.”

Dalam Jawatankuasa Sebuah-buah Majlis (17 November, 2015)

- | | | | |
|----|----------------|--|-------------------------------|
| 2. | (D.R. 32/2015) | Rang Undang-undang Kewangan 2015

[Menteri Kewangan] | Bacaan Kali Yang Kedua |
| 3. | (D.R. 28/2015) | Rang Undang-undang Perbadanan Insurans Deposit Malaysia (Pindaan) 2015 - Menyambung semula Perbahasan atas masalah, “Bahawa Rang Undang-undang ini dibacakan kali yang kedua sekarang”
(22 Oktober 2015)

[Menteri Kewangan] | Bacaan Kali Yang Kedua |
| 4. | (D.R. 30/2015) | Rang Undang-undang Syarikat 2015

[Menteri Perdagangan Dalam Negeri, Koperasi dan Kepenggunaan] | Bacaan Kali Yang Kedua |
| 5. | (D.R. 29/2015) | Rang Undang-undang Skim Kepentingan 2015.

[Menteri Perdagangan Dalam Negeri, Koperasi dan Kepenggunaan] | “ |

6. (D.R 33/2015) Rang Undang-undang Tabung Angkatan Tentera (Pindaan) 2015 “

[Menteri Pertahanan]

7. (D.R. 9/2015) Rang Undang-undang Kanun Tatacara Jenayah (Pindaan) 2015 “

[Menteri Dalam Negeri]

8. (D.R. 12/2015) Rang Undang-undang Keterangan (Pindaan) 2015 “

[Menteri di Jabatan Perdana Menteri]

9. (D.R. 24/2014) Rang Undang-undang Dadah Berbahaya (Pindaan) (No. 2) 2014 “

[Menteri Kesihatan]

10. PR-1333-U69963

Datuk Dr. Makin @ Marcus Mojigoh [Putatan] akan mencadangkan:-

“Bahawa Dewan ini mengambil maklum bahawa sejak akhir-akhir ini, dan Gerakan Sabah-Sarawak keluar Malaysia (SSKM) kian mendapat perhatian dan sokongan dari sebilangan kecil rakyat dari kedua-dua negeri ini. Bahawa Dewan ini mengambil maklum bahawa, terdapat rungutan-rungutan di kalangan rakyat negeri Sabah dan Sarawak dalam beberapa isu yang mereka fikirkan bahawa hak mereka, seperti yang dijanjikan dan terkandung dalam Perjanjian Malaysia 1963 telah dicabuli atau tidak ditunaikan. Dan mengambil maklum juga, antara isu utama yang disuarakan dalam rungutan ini adalah banjir pendatang asing ke negeri Sabah dan di tambah buruk pula dengan pemberian status warga Negara kepada mereka ini. Dan mengambil maklum juga bahawa, setiap kali isu 20 perkara (bagi Negeri Sabah) dan 16 perkara (bagi Negeri Sarawak) dalam Perjanjian Malaysia ini disuarakan, terdapat usaha-usaha pihak tertentu untuk mensesnyapkan isu ini dan akhirnya rungutan-rungutan ini menjadi satu gerakan ketidakpuasan hati rakyat. Dan mengambil maklum juga bahawa, gerakan ketidakpuasan hati rakyat ini telah sampai satu tahap di mana mereka secara terbuka mengelarkan diri mereka sebagai aktivis Sabah-Sarawak keluar Malaysia atau ringkasnya SSKM. Dalam hal ini, Kerajaan hendaklah memandang serius akan kesan dan implikasi perpaduan rakyat serta ketenteraman negara pada keseluruhannya. Kita maklum bahawa, mengambil tindakan Undang-undang semata-mata untuk menghalang mereka ini bagi menyuarakan rungutan mereka ini tidak akan menyelesaikan isu yang ditimbulkan, malah akan merumitkan keadaan lagi di mana mereka akan semakin mendapat simpati daripada kalangan rakyat yang lainnya sementara Kerajaan pula dianggap sebagai tidak perihatin dan kuku besi.

Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu gerak kerja untuk menangani isu ini secara Holistik termasuklah menjemput dan mendengar rungutan mereka yang menggelarkan diri mereka sebagai SSKM ini.”

[Menteri Dalam Negeri]

11. PR-1333-U69964

Datuk Dr. Makin @ Marcus Mojigoh [Putatan] akan mencadangkan:-

“Bahawa Dewan ini mengambil maklum bahawa, terdapat rungutan-rungutan dikalangan rakyat bahawa sejak akhir-akhir ini, perpaduan, keharmonian, kesejahteraan dan kerjasama antara rakyat negara ini yang terdiri dari berbilang kaum dan agama telah terhakis. Dan mengambil maklum juga, antara isu utama menyebabkan perkara ini berlaku kerana terdapat golongan tertentu yang memainkan isu bangsa dan agama sewenang-wenangnya serta rakyat merasakan tidak ada tindakan tegas yang diambil bagi menangani masalah ini. Dan mengambil maklum juga bahawa, Perhimpunan Bersih 4 dan Perhimpunan Rakyat Bersatu baru-baru ini telah menanamkan bibit kebencian serta syak wasangka antara kaum di negara ini. Dan mengambil maklum juga bahawa, Rukun Negara sebagai tonggak perpaduan, keharmonian, kesejahteraan dan kerjasama antara rakyat negara ini secara tidak langsung tidak lagi dihormati dan dipatuhi. Dalam hal ini, Kerajaan hendaklah memandang serius akan kesan dan implikasi perpaduan rakyat serta ketenteraman negara pada keseluruhannya. Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu gerak kerja untuk menangani isu ini secara Holistik termasuklah menjemput dan mendengar rungutan mereka ini. Kerajaan juga hendaklah menguatkuasakan segala peruntukan Undang-undang yang ada bagi menghalang mana-mana demokrasi atau perjumpaan umum yang membangkitkan isu bangsa dan agama, yang boleh menggugat perpaduan, keharmonian, kesejahteraan dan kerjasama antara rakyat negara ini.”

[Perdana Menteri]

12. PR-1333-U69965

Datuk Dr. Makin @ Marcus Mojigoh [Putatan] akan mencadangkan:-

“Bahawa Dewan ini mengambil maklum bahawa, terdapat laporan mengatakan bahawa operasi bot lautan dalam yang beroperasi di negara ini tidak mendatangkan faedah kepada negara ini secara total. Dan mengambil maklum juga, antara isu utama yang disuarakan dalam laporan ini adalah, para pengusaha bot lautan dalam ini menjual minyak diesel bersubsidi kepada bot-bot asing. Dan mengambil maklum bahawa, terdapat juga laporan bahawa tangkapan bot lautan dalam ini dijual kepada nelayan asing yang menawarkan harga yang lebih baik. Dan mengambil maklum juga bahawa, kedua-dua aktiviti yang disebutkan ini telah mendatangkan kerugian yang besar kepada negara ini, sama ada dari segi subsidi diesel mahupun dari segi tangkapan hasil lautan di negara ini dijual ke negara asing.

Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu sistem kawalan yang bersepadu bagi memastikan bahawa semua diesel bersubsidi digunakan dengan niat asal serta tangkapan tersebut hendaklah dipasarkan di negara ini.”

[Menteri Pertanian dan Industri Asas Tani]

13. PR-1333-U69966

Datuk Dr. Makin @ Marcus Mojigoh [Putatan] akan mencadangkan:-

“Bahawa Dewan ini mengambil maklum bahawa, isu 1MDB telah mencemarkan nama baik Kerajaan dan Negara Malaysia pada umumnya. Dan mengambil maklum juga, isu 1MDB telah sedikit sebanyak menghakis kepercayaan pelabur asing kepada Sistem Pelaburan di Negara ini. Dan mengambil maklum juga bahawa, isu 1MDB telah disensasikan melalui media sosial, media elektronik dan media asing dengan sewenang-wenangnya yang menggambarkan bahawa syarikat milik Kerajaan ini hampir muflis dan liabilitinya perlu ditanggung oleh Kerajaan. Dan mengambil maklum juga bahawa, hasil daripada kemuskilan ini, rakyat pada umumnya mempersoalkan cara kerja Kerajaan mentadbir 1MDB sehingga mengalami kerugian yang besar dan terpaksa menanggung liability 1MDB. Maka, bagi menangani masalah ini, Dewan Yang Mulia ini hendaklah mengambil ketetapan bahawa, Kerajaan hendaklah memperjelaskan secara terperinci mengenai model perniagaan 1MDB kepada umum agar satu gambaran yang telus dapat mereka perolehi serta mengembalikan kebolehpercayaan rakyat kepada Kerajaan masa kini.”

[Menteri Kewangan]

14. PR-1333-U70485

Tuan Ng Wei Aik [Tanjong] akan mencadangkan:-

“Bahawa Dewan Rakyat ini mengambil ketetapan untuk mengutuk Perhimpunan Rakyat Bersatu yang diadakan pada 16 September 2015 yang sifatnya berbau perkauman serta bertujuan mengapi-apikan sentimen perkauman, termasuk menuntut supaya sekolah-sekolah Cina ditutup, menggelar anggota-anggota polis yang bertugas sebagai “barua Cina”, cuba menimbulkan kekecohan di Jalan Petaling serta mempersoalkan keperluan “Little India” diwujudkan dan tindakan-tindakan yang sewajarnya harus diambil terhadap pihak penganjur dan pihak-pihak yang harus bertanggungjawab.”

[Menteri Dalam Negeri]

15. PR-1333-U70272

Tuan M. Kulasegaran [Ipoh Barat] akan mencadangkan:-

“Bahawa Dewan ini mengambil maklum demi kepentingan negara dan masyarakat sejagat pandangan serius terhadap kestabilan ekonomi dan kemajuan negara harus diberi perhatian sepenuhnya. Oleh yang demikian Dewan ini perlu mengambil maklum mengenai perkara ini dan mengarahkan Kerajaan untuk mengatasi masalah ini.”

[Perdana Menteri]

16. PR-1333-U70255

Dr. Tan Seng Giaw [Kepong] akan mencadangkan:-

“Bahawa Menteri Kewangan membincangkan cara-cara yang diambil untuk mempertahankan nilai ringgit.”

[Menteri Kewangan]

17. PR-1333-U70256

Dr. Tan Seng Giaw [Kepong] akan mencadangkan:-

“Bahawa Menteri Sumber Asli dan Alam Sekitar mendebatkan masalah jerebu di rantau in.”

[Menteri Sumber Asli dan Alam Sekitar]

18. PR-1333-U71552

Tuan Fong Kui Lun [Bukit Bintang] akan mencadangkan:-

“Bahawa Kerajaan mempergiatkan usaha untuk menyatu padukan rakyat berbilang kaum di Malaysia yang kelihatan masih lemah dan longgar meskipun negara telah menjadi negara merdeka dan berdaulat sejak 58 tahun lalu supaya mereka boleh hidup dengan aman dan saling memerlukan dan memahami bagi memudahkan mereka membangunkan ekonomi negara secara bersama dan merealisasikan impian Malaysia.”

[Perdana Menteri]

19. PR-1333-U71553

Tuan Fong Kui Lun [Bukit Bintang] akan mencadangkan:-

“Bahawa Kerajaan memulihkan pilihan raya Kerajaan Tempatan seluruh negara supaya urus tadbir Kerajaan menjadi cekap, akauntabiliti dan bersih dengan mengambil langkah pertama untuk membuat kajian serius dan melakukan pungutan suara antara rakyat.”

[Menteri Kesejahteraan Bandar, Perumahan dan Kerajaan Tempatan]

20. PR-1333-U69805

Dato' Kamarudin bin Jaffar [Tumpat] akan mencadangkan:-

“Bahawa Dewan ini memutuskan untuk Malaysia menerima masuk, memberi perlindungan dan akhirnya memberikan taraf kewarganegaraan kepada 1000,000 orang rakyat negara Syria daripada jutaan orang yang sekarang menjadi pelarian di Turki dan Eropah.”

[Perdana Menteri]

21. PR-1333-U69806

Dato' Kamarudin bin Jaffar [Tumpat] akan mencadangkan:-

“Bahawa Dewan ini merakamkan perasaan sedih dan kecewa bahawa perjalanan kerja-kerja Jawatankuasa Kira-kira Wang Negara (PAC) telah tergendala oleh beberapa sebab dan dengan ini memutuskan untuk meminta Tuan Yang di Pertua Dewan Rakyat dengan segera melicinkan semula perjalanan Jawatankuasa itu.”

[Perdana Menteri]

22. PR-1333-U69807

Dato' Kamarudin bin Jaffar [Tumpat] akan mencadangkan:-

“Bahawa Dewan ini amat tidak berpuas hati dengan kemajuan pembinaan rumah-rumah untuk mangsa banjir negeri Kelantan. Oleh itu Dewan ini mendesak Kerajaan Pusat berusaha dengan lebih gigih lagi bersama dengan Kerajaan Negeri Kelantan untuk melipatgandakan usaha pembinaan rumah-rumah tersebut.”

[Perdana Menteri]

23. PR-1333-U70769

Dato' Johari bin Abdul [Sungai Petani] akan mencadangkan:-

“Bahawa Dewan ini mengambil maklum, hubungan antara kaum mutakhir ini makin meruncing dan jika tidak dibendung akan mencapai tahap amat merbahaya dan akibatnya negara akan hancur seperti yang terjadi di negara-negara lain yang sedang bergolak akibat isu perkauman. Bila rakyat Malaysia berbangsa Dayak, Kadazan, Orang Asal, Cina, Melayu, Jawa, Bugis atau apa suku kaum sekalipun mengkritik dan mempersoalkan hal tatakelola Negara dan kepimpinan Perdana Menteri dan Kabinetnya, rakyat tidak mempersoalkan ras Perdana Menteri. Rakyat mempersoal Perdana Menteri atas kapasiti beliau sebagai Ketua Eksekutif Negara. BERSIH 4.0 menganjurkan demo jalanan kerana mendesak Perdana Menteri memberi jawapan kepada banyak persoalan yang tidak terjawab.

Soal 1MDB, Derma RM 2.6 bilion, Pertukaran Pegawai-pegawai SPRM, Penamatan khidmat Tan Sri Gani Patail sebagai Pendakwa Raya, pembebasan Abdul Razak Baginda yang rapat dengan Perdana Menteri dalam kes pembunuhan Altantuya Shaaribuu yang amat memalukan negara dan banyak lagi isu yang amat-amat mendesak yang tidak dijawab oleh Perdana Menteri secara meyakinkan. Untuk itu Kerajaan mesti membezakan mengkritik Perdana Menteri bukan mengkritik bangsa Perdana Menteri tetapi kerana Perdana Menteri adalah Ketua Eksekutif Negara yang sememangnya boleh dikritik yang dibenarkan oleh sistem pemerintahan yang diamalkan di negara ini.”

[Perdana Menteri]

24. PR-1333-U70770

Dato' Johari bin Abdul [Sungai Petani] akan mencadangkan:-

“Bahawa Dewan ini mengambil maklum, bila UMNO dan NGO yang menyokong UMNO menganjurkan demo jalanan bertemakan Himpunan Maruah Melayu pada 16 September 2015 yang kemarahan disasarkan kepada rakyat kaum Cina, yang dikatakan mendominasi Himpunan BERSIH 4.0 pada 29 dan 30 Ogos 2015, penganjur memilih kaum Cina sebagai fokus serangan. Penganjur membawa posters dan banners tertulis kata-kata provokasi dan perkauman yang amat merbahaya seperti “Ini Tanah Melayu, Cina boleh keluar”. “Bawa parang dan keris. Tetak Cina. Umno perlukan anda”. Sedangkan yang keluar dijalanan pada 29 dan 30 Ogos 2015 rakyat dari berbagai kaum termasuk Melayu dan Bumiputra yang lain. Kaum lain selain Cina juga menyuarakan perasaan tidak puas hati mereka terhadap Perdana Menteri. Di mana yang dikatakan Cina menghina Melayu dan Maruah Melayu dicabar. Kerajaan mesti berjiwa besar. Walaupun Kerajaan Barisan Nasional diterajui oleh UMNO dan Melayu tetapi rakyat negara ini terdiri dari berbagai bangsa yang wajib dilindungi dan dihormati.”

[Perdana Menteri]

25. PR-1333-U70772

Dato' Johari bin Abdul [Sungai Petani] akan mencadangkan:-

“Bahawa Dewan ini mengambil maklum, penyakit Denggi akibat jangkitan nyamuk di Malaysia telah mencapai satu tahap yang merbahaya. Lebih parah kematian akibat penyakit ini sudah diterima sebagai satu yang lumrah dan tidak ada rasa bersalah oleh pemerintah. Kerajaan sepatutnya menubuhkan satu institusi khas bagi melawan wabak ini dengan memberikan peruntukan kewangan yang secukupnya serta membekalkan berbagai pakar bagi menjadikan institusi ini betul-betul memberi tumpukan dan perhatian kepada masalah yang begitu lama tidak dapat diselesaikan. Malaysia mesti memainkan peranan utama dan boleh menjadi juara dalam memerangi penyakit ini bukan sahaja di rantau ini malah di dunia. Kerajaan mesti serius dan komited dalam hal ini.”

[Menteri Kesihatan]

26. PR-1333-U70774

Dato' Johari bin Abdul [Sungai Petani] akan mencadangkan:-

“Bahawa Dewan ini mengambil maklum, Kementerian Belia dan Sukan banyak memberi tumpuan kepada pembangunan sukan tetapi meninggalkan pembangunan belia di belakang. Setiap tahun ribuan anak-anak Malaysia yang keluar dari sekolah dan ramai yang tidak melanjutkan pelajaran ke pengajian tinggi atas berbagai sebab dan alasan. Akibat tidak ada program wajib yang mesti diikuti dan disertai oleh mereka, mereka menjadi satu eset yang amat bernilai yang terbiar dan tidak dimanfaatkan sepenuhnya. Adalah dicadangkan anak-anak ini, didaftarkan dan diwajibkan menyertai Khidmat negara selama dua tahun seperti yang dilakukan dikebanyakkan negara. Semasa dalam program ini, pilih dua atau tiga bidang ilmu yang boleh memberi menafaat berterusan bila mereka tamat program nanti. Sebagai contoh, ilmu motor mekanik dan elektrik. Selepas dua tahun mereka boleh berdikari dan bantuan susulan boleh diusahakan. Untuk memastikan program ini berjaya ianya mesti dilaksanakan sebagai program wajib dan dikembangkan dengan elemen ketenteraan.”

[Menteri Belia dan Sukan]

27. PR-1333-U70776

Dato' Johari bin Abdul [Sungai Petani] akan mencadangkan:-

“Bahawa Dewan ini mengambil maklum, kegiatan merempit oleh anak-anak muda khasnya anak Melayu amat memalukan bangsa dan Kerajaan. Kerajaan seolah-oleh tidak ada jawapan pada permasalahan ini. Mereka yang merempit bukan sahaja membahayakan nyawa mereka juga nyawa orang awam. Adalah dicadangkan pihak polis menggunakan anggota Cawangan Khas bagi meninjau dan kenal pasti ketua kumpulan ini dan menahan mereka atas undang-undang yang sedia ada. Penahanan mereka hendaklah dihebahkan dalam akhbar dan media elektronik. Menahan mereka untuk beberapa malam di lokap dan jika ada bukti yang cukup mendakwa mereka di mahkamah akan menghantar mesej yang jelas bahawa kegiatan mereka amat merbahaya dan amat dibenci oleh masyarakat. Ini mesti dilakukan secara konsisten bukan berkala.”

[Menteri Dalam Negeri]

28. PR-1333-U70806

Tuan Manivanan a/l Gowindasamy [Kapar] akan mencadangkan:-

“Bahawa Dewan ini mempertimbangkan cadangan untuk menghalang dan mengharamkan penjualan arak murahan (cheap liquor) secara mudah dan murah yang semakin berleluasa. Gegaja pengambilan arak murahan ini menimbulkan pelbagai masalah sosial seperti keganasan rumah tangga dan gengsterisme serta merosakkan organ dalaman. Di samping itu, kawalan dan penyeliaan terhadap kedai-kedai menjual arak perlu diketatkan. Masa penjualan

arak dan lokasi minum arak perlu dikaji. Kawasan tempat awam seperti di taman awam dan taman permainan kanak-kanak, minum arak wajib diharamkan. Dewan ini juga wajib mempertimbangkan penubuhan Pusat Pemulihan Arak (PPA) di setiap negeri di Malaysia untuk membendung masalah minum arak yang semakin berleluasa di kalangan anak muda merentasi sempadan bangsa dan agama.”

[Menteri Kesejahteraan Bandar, Perumahan dan Kerajaan Tempatan]

29. PR-1333-U70808

Tuan Manivanan a/l Gowindasamy [Kapar] akan mencadangkan:-

“Bahawa Dewan ini mempertimbangkan cadangan untuk kes kematian di bawah tahanan Polis DiRaja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan.”

[Menteri Dalam Negeri]

30. PR-1333-U70809

Tuan Manivanan a/l Gowindasamy [Kapar] akan mencadangkan:-

“Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia.”

[Menteri Pendidikan]

31. **Dato’ Seri Dr. Wan Azizah binti Wan Ismail [Permatang Pauh]** akan mencadangkan :-

“Bahawa Dewan ini tidak ada kepercayaan terhadap Yang Amat Berhormat Pekan Dato’ Seri Najib Tun Razak sebagai Perdana Menteri Malaysia.”

[Perdana Menteri]

32. **Tuan Gobind Singh Deo [Puchong]** akan mencadangkan :-

“Bahawa mengikut Peraturan Mesyuarat 43 dibaca bersama Peraturan Mesyuarat 99 Peraturan-Peraturan Majlis Mesyuarat Dewan Rakyat, Dewan Yang Mulia ini mengkaji semula dan mengenepikan keputusan Yang di-Pertua YB Dato Seri Dr. Ronald Kiandee, yang membenarkan usul untuk menggantung Yang Berhormat Tuan Lim Kit Siang, Ahli Parlimen Gelang Patah daripada Perkhidmatan sebagai Ahli Parlimen selama 6 bulan dibahas tanpa rujukan dibuat kepada Jawatankuasa Hak dan Kebebasan sepertimana menurut Peraturan 80A Peraturan-Peraturan Majlis Mesyuarat.”

[Perdana Menteri]